

A Pwy gaiff wneud cais?

Gallwch gael disg dreth ddyblyg:

- os mai chi yw ceidwad cofrestredig y cerbyd a bod gennych Dystysgrif Cofrestru (V5CW) yn eich enw chi; neu
- os ydych wedi prynu'r cerbyd yn ddiweddar a bod disg dreth gyfredol arno a bod gennych adran manylion y ceidwad Newydd (V5CW/2).

B Sut ac ymhle mae gwneud cais

Os mai chi yw'r ceidwad cofrestredig, dylech lenwi'r ffurflen hon a mynd â hi neu ei hanfon gyda'ch V5CW a'r £7 o ffi (os yw hynny'n berthnasol, gweler nodyn C) i'ch swyddfa DVLA leol. **Peidiwch ag anfon y cais i'r DVLA yn Abertawe.** Os nad oes gennych V5CW bydd angen i chi fynd â 'Cais am dystysgrif cofrestru cerbyd' (V62W) neu ei bostio ynghyd â thalu'r ffi briodol.

Os ydych wedi prynu'r cerbyd yn ddiweddar ac nad oes gennych V5CW, bydd angen i chi fynd â'r canlynol i'r swyddfa, neu eu hanfon:

- eich V5CW/2; a
- V62W wedi'i llenwi (does dim angen ichi dalu'r ffi y gofynnir amdani ar y ffurflen V62W).

Mae cyfeiriad eich swyddfa DVLA leol agosaf:

- ar y wefan yn www.direct.gov.uk/dvlocal; neu
- gallwch ffonio 0870 243 0444 (gofynnir ichi roi eich côd post).

Mae swyddfeydd lleol y DVLA ar agor rhwng 9yb a 5yp o ddydd Llun i ddydd Gwener, a rhwng 9.30yb a 5yp ar yr ail ddydd Mercher ym mhob mis.

C Faint fydd hyn yn ei gostio?

Y ffi ar gyfer disg dreth ddyblyg yw £7, ac fel rheol, ni fydd modd ad-dalu'r ffi hon ar ôl i'r cais gyrraedd swyddfa leol y DVLA.

Ni chodir ffi am ddisg dreth ddyblyg:

- os yw'r cerbyd a drethir mewn dosbarth treth a eithrir (er enghraifft, cerbydau hanesyddol neu gerbydau gyrwyr anabl);
- os yw'r ddisg dreth wedi mynd ar goll yn y post pan anfonwyd hi atoch gan y DVLA neu gan gangen Swyddfa'r Post®;
- os yw'r ddisg dreth wedi'i difrodi neu os nad oedd modd darllen y manylion pan gawsoch chi hi gan y DVLA neu gan Swyddfa'r Post® (yn y naill achos neu'r llall, rhaid ichi ei dychwelyd gyda'r ffurflen gais hon);
- os yw'r ddisg dreth wreiddiol yn cael ei chadw gan yr heddlu fel tystiolaeth;
- os oedd cerbyd wedi'i ddwyn ac wedi dod i'r fei ond bod y ddisg dreth ar goll; neu
- os yw'r DVLA wedi gwrthod eich cais am ad-daliad ar y dreth cerbyd pan anfonwyd hwnnw gyda'r ddisg dreth. Rhaid cynnwys y llythyr gwrthod gyda'r cais hwn.

Ch Sut mae dalu

Gallwch dalu'r ffi fel a ganlyn.

Yn un o swyddfeydd lleol y DVLA

- Gallwch ddefnyddio cerdyn debyd, arian parod, siec neu archeb bost, yn daladwy i DVLA Abertawe.

Drwy'r Post

- Gallwch ddefnyddio siec neu archeb bost, yn daladwy i DVLA Abertawe.

Peidiwch ag anfon arian parod, manylion cerdyn debyd, siec wag nac archeb bost wag drwy'r post.

D Pa bryd y bydd eich disg dreth ddyblyg yn eich cyrraedd?

Os yw ein cofnodion yn dangos mai chi yw'r ceidwad cofrestredig a bod y cerbyd wedi'i drethu, bydd swyddfa leol y DVLA yn anfon disg dreth ddyblyg atoch ar unwaith. Fel arall, byddwn yn cadw'ch cais nes inni ddiweddarau'n cofnod cerbydau. Efallai y byddwn yn anfon disg dreth ddyblyg dros dro a fydd yn ddilys am hyd at wyth wythnos. Ar ôl i'n cofnodion gael eu diweddarau, anfonir disg dreth ddyblyg lawn.

Dd Diogelu data – rhyddhau gwybodaeth

Byddwn yn cadw'ch manylion ar ein cofrestr cerbydau. Cawn ryddhau'r manylion hyn os oes rhaid inni wneud hynny yn ôl y gyfraith. Mae rhagor o wybodaeth ar gael ynglŷn â sut a pha bryd y cawn ryddhau'ch manylion drwy fynd i'r wefan yn

www.direct.gov.uk/dvdataprotection

E Rhagor o wybodaeth

Mae rhagor o wybodaeth am drethu cerbyd ar gael ar y wefan yn www.direct.gov.uk/vehicletax

Gallwch hefyd gysylltu ag adran Ymholiadau Cwsmeriaid y DVLA:

Ffôn: 0870 240 0010

E-bost: vehicles.dvla@gtnet.gov.uk

Ffacs: 0870 850 1285

Mae'r llinellau ffôn ar agor rhwng 8yb ac 8.30yh o ddydd Llun i ddydd Gwener a rhwng 8yb a 5.30yp ar ddydd Sadwrn. Bydd rhai galwadau'n cael eu monitro er mwyn sicrhau eu hansawdd ac at ddibenion hyfforddi. Os ydych yn fyddar neu'n drwm eich clyw a bod gennych ffôn testun, ffoniwch 01792 766426. (Nid yw'r rhif hwn yn ymateb i ffonau cyffredin.)

Os nad ydych yn fodlon ar y gwasanaeth a gewch gennym, darllenwch y daflen 'Canllaw i wasanaethau cwsmeriaid a beth i'w wneud os bydd pethau'n mynd o chwith' (INS101W). Mae hon ar gael yn www.direct.gov.uk/motoringleaflets

